

PM: 1990 sejarah berakhirnya DEB

KUALA LUMPUR 31 Dis.
— Tahun 1990 akan tercatat dalam sejarah negara sebagai tahun berakhirnya Dasar Ekonomi Baru (DEB), satu dasar sosio-ekonomi yang terbesar dan berani pernah dicuba oleh sebuah negara membangun, kata Perdana Menteri, Dato' Sri Dr. Mahathir Mohamad malam ini.

Beliau menegaskan, DEB telah menjadikan 1990 sebagai satu tahun yang penuh bermakna yang menutup tirai pe-

laksanaannya selama lebih 20 tahun.

DEB - 1991
"Walaupun ada pendapat yang mengatakan DEB ini gagal setelah genap 20 tahun pelaksanaannya, tetapi sebenarnya, kejayaan DEB adalah luar biasa berbanding dengan lain - lain rancangan sosio-ekonomi yang dilaksanakan di seluruh dunia," kata Dato' Sri Dr. Mahathir ketika menyampaikan keputusan tahun baru.

DEB, kata Dato' Sri Dr. Ma-

hathir, dirancang kerana terdapatnya keadaan tidak seimbang dalam kehidupan rakyat berbilang kaum di negara ini.

Katanya, demikian juga dengan ideologi komunis dan sosialis yang kononnya bertujuan mengimbangkan kehidupan yang ketara tidak adil dalam masyarakat kapitalis di mana yang kaya menjadi terlalu kaya dan yang miskin menjadi terlalu miskin dan hina.

Menurut Dato' Sri Dr. Mahathir, setelah berpuluh tahun

berlalu, bukan sahaja pembahagian yang adil tidak tercapai tetapi sebaliknya negara - negara komunis dan sosialis menjadi begitu mundur dan miskin berbanding dengan negara - negara pasaran terbuka dan perusahaan bebas.

"Kini kita telah mengenal-pasti kelemahan - kelemahan kita selama pelaksanaan DEB dan kita percaya kita boleh mengatasi kelemahan - kelemahan ini tanpa menjejaskan pertumbuhan ekonomi negara," ujar Perdana Menteri.